

An Ghaeilge i nDún na nGall

Ceist 1 Beidh tú ag féachaint ar ball ar thuairisc faoi phlean teanga atá beartaithe i gContae Dhún na nGall. Sula bhféachann tú ar an mír, aimsigh na háiteanna seo ar léarscáil. Cad is brí leis na logainmneacha, dar leat?

- Cloch Cheann Fhaola (Cloich Chionnaola)
- An Fál Carrach
- Gort an Choirce
- Dún Lúiche

Ceist 2 Cén Ghaeilge atá ar na focail agus ar na frásaí seo thíos? Beidh siad le cloisteáil sa mhír ar ball.

- *confidence*
- *in charge of / conducting the survey*
- *about four aspects of Irish*
- *current state*
- *practices*
- *opinion about the language*
- *suggestions for the future*
- *among the oldest age group*
- *immersion education*

Cén leagan Ultach atá ar na focail seo?

- seo caite
- de bhrí
- uile
- ceistíodh
- scoileanna

Féach ar an mír den chéad uair, le feiceáil an raibh an ceart agat.

Ceist 3 Éist leis an tuairisc, ach ná féach uirthi an t-am seo, agus freagair na ceisteanna thíos.

1. Tugann an suirbhé eolas faoi cheithre ghné den Ghaeilge. Cad iad?
2. Cén fáth ar luadh na figiúirí seo a leanas?

54% _____
18% _____
59% _____
57% _____
76% _____
66% _____
39% _____

3. Cad a bhí le rá ag Máire Uí Bhaoill agus ag Máire Ní Chasaide?

Ceist 4 ‘...go ceann cúpla mí...’

1. Cuir na dobhriathra ama seo in abairtí lena mbrí a léiriú:

ar feadh go ceann i gceann

2. Cad is féidir leat a rá faoi na samplaí seo?

go ceann míosa ach go ceann cúpla mí

ar feadh bliana ach ar feadh dhá bhliain

Ceist 5

Bí ag obair leis an duine in aice leat agus glacaigí sealanna na huimhreacha seo a rá amach os ard.



Abair amach na huimhreacha seo thíos anois.

Airgead:

€600 €1.50 £2.80 \$750 €0.05

Codáin:

$\frac{1}{2}$ $\frac{1}{3}$ $\frac{1}{4}$ $\frac{2}{3}$ $10 \frac{1}{2}$

Céatadáin:

1% 60% 7.75% 0% 100%

Cad faoi na dátaí seo:

04/03/1999 19/01/2017 31/10/2016 08/12/1977

Ceist 6

Pléigh na ceisteanna seo leis na daoine eile i do ghrúpa.

1. Cad iad na buntáistí a bhaineann leis an tumoideachas, dar leat?
2. An bhfuil aon mhíbhuntáistí ag baint leis an tumoideachas, dar leat?
3. Cad faoi dhaoine a bhogann go dtí an Ghaeltacht nach bhfuil Gaeilge acu? An bhfuil sé deacair dóibh siúd freastal ar scoileanna lán-Ghaeilge?

Treoracha agus Freagraí

Ceist 1

Cloch Cheann Fhaola: An chloch ar scaoileadh ceann Fhaola uirthi.

An Fál Carrach: *The rough enclosure*

Gort an Choirce: *The field of oats*

Dún Lúiche: *The fort of Lugh*

Ceist 2

Is féidir an stór focal seo a phlé tar éis féachaint amháin.

confidence – muinín

in charge of / conducting the survey – i mbun an tsuirbhé

about four aspects of Irish – faoi cheithre ghné den Ghaeilge

current state – staid reatha

practices – cleachtais

opinion about the language – dearcadh faoin teanga

suggestions for the future – moltaí don todhchaí

among the oldest age group – i measc an aoisghrúpa is sine

immersion education – tumoideachas

seo caite – seo a chuaigh thart

de bhrí – cionn is

uile – uilig

ceistíodh – fiafraíodh

scoileanna – scoilteacha

Ceist 3

Féach an script.

Ceist 4

1. Beidh mé sa Ghaeltacht **ar feadh** trí seachtaine.

Beidh mé anseo **go ceann** uair a chloig eile.

Beidh mé ag dul go dtí an Ghaeltacht **i gceann** seachtaine ar feadh seachtaine.

2. Nuair a leanann ainmfhocal aonair **ar feadh**, **go ceann** nó **i gceann**, cuirtear sa tuiseal ginideach é.

An tuiseal ainmneach uatha a úsáidtear leis an bhfocal cúpla i gcónaí.

Nuair a leanann uimhir agus ainmfhocal **ar feadh**, **go ceann** nó **i gceann**, fágтар sa tuiseal ainmneach iad.

Ceist 5

trí déag

daichead a seacht

caoga

trí chéad a hocht

céad seachtó a dó

míle, cúig chéad fiche

ceithre mhíle, cúig chéad

ocht gcéad seasca

céad míle

dhá mhilliún

Airgead:

€600 sé chéad euro

€1.50 euro agus caoga cent

£2.80 dhá phunt agus ochtó pingin

\$750 seacht gcéad caoga dollar

€0.05 cúig cent

Codáin:

| | |
|------------------|----------------|
| $\frac{1}{2}$ | leath |
| $\frac{1}{3}$ | tríú |
| $\frac{1}{4}$ | ceathrú |
| $\frac{2}{3}$ | dhá thrian |
| $10 \frac{1}{2}$ | deich go leith |

Na dátaí:

| | |
|------------|---|
| 04/03/1999 | An ceathrú lá de mhí an Mhárta, míle naoi gcéad nócha a naoi |
| 19/01/2017 | An naoú lá déag de mhí Eanáir, dhá mhíle seacht déag |
| 31/11/2016 | An t-aonú lá is tríocha de mhí Dheireadh Fómhair, dhá mhíle sé déag |
| 08/12/1977 | An t-ochtú lá de mhí na Nollag, naoi déag seachtó seacht |

Ceist 6

larr ar an rang plé a dhéanamh ar na ceisteanna.

Eimear Ní Chonaola

Deir Coiste Pleanála Teangan¹ Chloich Cheann Fhaola² i gContae Dhún na nGall go bhfuil sé tábhachtach go bhfuil oideachas Gaeilge ar fáil anois go dtí an Ardeist i bPobalscoil Chloich Cheann Fhaola. Dúirt siad go dtugann torthaí ó shuirbhé a rinne siad faoin nGaeilge i measc míle trí chéad duine sa gceantar³ muinín dóibh agus iad ag ullmhú plean teangan as seo go ceann cúpla mí.

Ailbhe Ó Monacháin

Trí cheanneagraíocht a bhí i mbun an tsuirbhé teanga seo a rinneadh i mí Lúnasa seo a chuaigh thart i gCloch Cheann Fhaola: an tSean Bheairic agus Pobal Eascarrach, thoir ar an Fhál⁴ Carrach, chomh maith le Coiste Forbartha Pobail Mhachaire Rabhartaigh a bhailigh eolas faoi cheithre ghné den Ghaeilge: staid reatha na Gaeilge; cleachtais Ghaeilge sa cheantar; an dearcadh faoin teanga sa cheantar, agus moltaí don todhchaí.

Maidir le cumas ginearálta sa teanga, léiríodh go bhfuil Gaeilge líofa ag 54% a ceistíodh agus Gaeilge mheasartha ag 18%. Is i measc an aoisghrúpa is sine a ceistíodh, sin ó 67 bliain d'aois ar aghaidh, is mó a labhraítear an teanga go laethúil, sin 59%.

Máire Uí Bhaill, Cumann Turasóireachta agus Trádála, An Fál Carrach

Creidimse go... go dtigeann⁵ cuid mhór daoine isteach anseo le cur fúthu sa cheantar, agus b'fhéidir nuair a chastar daoine ... duine úr ort ar dtús, go mb'fhéidir gurb é an chéad rud a dhéanann tú ná go labhraíonn tú i mBéarla leo. Agus b'fhéidir, cionn is go bhfuil sé sin ann, go bhfuil daoine ag caint Béarla lena chéile cé go bhfuil Gaeilge acu.

Ailbhe Ó Monacháin

Léiríonn an suirbhé gur 57% den phobal uilig⁶ a labhraíonn an teanga i gCloich Cheann Fhaola. I nGort an Choirce is láidre ag 76% den phobal. Ansin i nDún Lúiche ag 66%, agus ar an Fhál Carrach is laige ag 39%. Fiafraíodh de thuismitheoirí an leanfaidh a bpáistí le tumoideachas Gaeilge sa mheánscoil, ó tharla gur féidir meánscolaíocht Ghaeilge a fháil go leibhéal Ardeiste anois i bPobalscoil Chloich Cheann Fhaola.

Máire Ní Chasaide, Rúnaí, Coiste Pleanála Teanga Chloich Cheann Fhaola

Bhuel, tá an chuid is mó de na scoilteacha⁷ náisiúnta sa cheantar seo ag dul fríd⁸ an tumoideachas, ón bhunscoil⁹. Rud amháin eile ná go bhfuil tumoideachas ar fáil ag an dara leibhéal, go bhfuil oideachas lán-Ghaeilge ar fáil do dhaoine suas go dtí bliain na hArdeiste, agus tá sin iontach tábhachtach.

Ailbhe Ó Monacháin

Bainfidh an coiste leas as an tsuirbhé¹⁰ anois le plean teanga a dhéanamh réidh a fhoilseofar am ar bith ón Mhárta ar aghaidh.

Ailbhe Ó Monacháin, Nuacht TG4 i gCloch Cheann Fhaola i gContae Dhún na nGall.

¹ *teanga* an leagan caighdeánach

² *Cloich Chionnaola* an leagan oifigiúil

³ Córas Chonnacht

⁴ Córas Uladh

⁵ *go dtagann* an leagan caighdeánach

⁶ *uile* an leagan caighdeánach

⁷ *scoileanna* an leagan caighdeánach

⁸ *tríd* an leagan caighdeánach

⁹ Córas Uladh

¹⁰ Córas Uladh